



Tuhaqtitauyughaq

Taiguaghaliuqnikkut Akittaquti Aullaqtitauyuq

IQALUIT, Nunavut (September 25, 2007) – Tamna ukiuq tamaat Taiguaghaliuqnikkut akittaquti aullaqtitauyuq Pitquhiliqiyitkunnit (CLEY) tallimanguqtuni ukiuni atayunik. Nutqaqvikhaa taigualiunikkut tuyukvighainni una Nuvaipa 30, 2007.

“Titiraliritti ilitariyihimayuq taiguakhat titiraqtauhimayut Inuktitut Inuinnaqtunlu anginiqaqtut atuquittiarningani uqauhiptingni,” uqaqtuq Minista Pitquhiliqiyitkunni Louis Tapardjuk. “Qanurittuuninga umani ukiup taiguaghaliuqnikkut akittaqtumi titiraqtughayut Kamanaqtunik Unipkaanik, allangayumik hulinirmik, taimaaluunniit hulinirmik arlingnaqtumik.”

Akittaquti angmaumayuq tamainnut kitkunnut. Malguunguniaqtuq tunihivighat: kitkunni inulgammiinnilu. Talvani kitkunni pivikhaani, hivuliqpaaq taktaghaq \$5000, tukliq taktaghaq \$3000 pingahualu taktaghaq \$1000. Inulgammiinni pivikhainni, nakuutqiaq taiguaghaliuqhimayuq taghiniaqtuq \$800-mik nakuutqiaqlu titiraqtauhimayuq atjikkiivyaktunik nungummainni taitjutinik akimaniaqtuq \$200.

“Quviahuqtugutlu uqarapta iliuraqhimaliqtuq inulgammiinnut pivikhamik umani ukiumi,” uqaqtuq Tapardjuk. “Inulgammiit nakuuyumik huliniqaqtut inuuhiptingni ikayurumayavutlu ilihimapkaiyumayugutlu ayuinninginnik inulgammiit Nunavunmi.”

Inirhimayut akitattaqtikkut maligaghat hailihimayut Pitquhiliqiyitkut qaritauyakkuurutaani umani www.gov.nu.ca/cley ataani ilitariyauhimayuni uqauhini.

-30-

Tuhaqtitaunikkut Hivayaqtaghauyuq:
Yasmina Pepa
Tuhaqtitainikkut Atannguyaq
Pitquhiliqiyikkut
☎ (867) 975-5531
ypepa@gov.nu.ca

ᐱᓕᓕᓕᓕᓕ ᓂᓕᓕᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕᓕ ᐃᓕᓕᓕᓕᓕᓕᓕᓕᓕ, ᓕᓕᓕᓕᓕᓕᓕᓕᓕ, ᐃᓕᓕᓕᓕᓕᓕᓕᓕ ᐃᓕᓕᓕᓕᓕᓕᓕ ᐃᓕᓕᓕᓕᓕᓕᓕ,
www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat itut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.